

32-1-E-12

196

CANTVARIENSIVM ARCHIEPISCOPORVM OMNIVM A SANCTO AVGVSTINO PRIMOCANTVARIENSI ARCHIEPISCOPO, CATALOGVS,

Per R. D. Marianum Victorium, olim ex Tabulis atque Scripturis
 ipsius Ecclesiæ Cantuariensis Collectus: nunc verò primùm
 à Doct. GERARDO VOSSIO in lucem
 editus, Notisque illustratus.

ACCESSIT PASSIO S. THOMÆ CANTVARIENSIS
 ARCHIEPISCOPI, breuiter accurateq. descripta.

Biblioth. Secr. Coll. olim. Soc. d. n.



BIBLIOTECA NAZ.
 VITTORIO EMANUELE

R O M Æ,

Ex Typographia Gulielmi Facciotti. M. DC. IV.

SVPERIORVM PERMISSV.

*/ Illmo & Rmo Cardinali Bellarmino, Archiepiscopo
 Romano dno & vigilantissimo Auctor G. Vossius*

CAITVAVRIVIA
ARCHIEPISCOPVM
OMIVM A SACRO APOSTOLICO
SACRARIO
CATHOLICO

Per E. D. Martinum Venerabilem, et
Iohannem Baptistam Cancellarios
et Secretarios Venerabilium
Patrum, et Capitulum

SECRETARIUM A SACRO APOSTOLICO
SACRARIO




A. O. M. S.

In Typographia Sacrae

SECRETARIUM A SACRO APOSTOLICO

SECRETARIUM A SACRO APOSTOLICO
SECRETARIUM A SACRO APOSTOLICO

CATHOLICO, AC CANDIDO LECTORI GERARDVS VOSSIUS SALVT.



ANTVARIENSIVM Archiepiscoporum omnium à Sancto AVGVSTINO primo Archiepiscopo (quem S. GREGORIUS PAPA eius nominis primus cognomento Magnus ad conversionem Regni Anglia misit) Catalogum tibi exhibemus, fideliter iuxta temporum seriem, continuamq. eorum qui eam Sedem tenuerunt, successione, concinnatum, Catholice, candideq. LECTOR: ut inde tibi, ac cunctis innotescat, non solum qui, ac quales viri illam olim Ecclesiam tenuerint, & administrarint; sed etiam qua pietate ac fide Dominicum gregem Archiepiscopales illi omni quasi tempore ibi curarint, & Summi Romani Pontificis auctoritatem obseruarint ac honorarint. Cognoscere enim inde licet manifestè, qua reuerentia & obseruantia, fiduciaq. semper ad Sanctam Sedem Apostolicam, non modò in suis inaugurationibus pro confirmatione, ac concessione Pallij, verum etiam in alijs quibuscumq. rebus arduis ac grauib. occurrentibus, velut ad tutissimum extra pericula portum, piamq. omnium Ecclesiarum matrem confugere sint soliti, se illi commendantes, & auctoritatem praesidiumq. ab ea expectantes, atque percipientes.

Et ne quis vulgarem, ac velut ex trituo aliquo erutum, praesentem hunc existimet Catalogum: collectus is est atque descriptus, religione adhuc ibi stante, ex Tabulis atque Scripturis ipsius Ecclesiae Cantuariensis; unde eum accepit pius & eruditissimus vir Marianus Viellorius Reatinus, dum Amplissimo Cardinali Polo sanctae Sedis Apostolica Legato, & postremo insignis illius Ecclesiae Archiepiscopo designato, in Anglia Regno sub Iulio Papa tertio, uti familiaris adesset: ex cuius illum collectaneis manuscriptis Romam delatis, post eius obitum, Tibi & vniuersae posteritati communicandum desumpsimus, libenterq. modò communicamus, ac gratae posteritati consecramus; Deum

rogantes, vt Ecclesia illa cum vniuerso Regno ad gremium matris Ecclesia Catholica & Apostolica Romana tandem redeat, pristinumque auita orthodoxa religionis feruorē recipiat, & supra firmam fidei petrā iterum sincere coalescat ac reflorescat; nec sint amplius ibi schismata ac in religione diffidia, sed credentium cor vnum, & anima vna.

Recensentur porro in presente hoc Catalogo, Archiepiscopi Ecclesie Cantuariensis, cum suis nominibus ac partim cognominibus, numero sexaginta septem, (inter quos tredecim etiam numerantur Sancti) & sub quibus isthic Regibus vixerint, & à quibus Summis Pontificibus Romanis suam confirmationem, usumq. Pallij acceperint, & quot annis sederint, ac quando decesserint, qualemq. vita finem habuerint, & quomodo etiam duo inter illos, Stigonus scilicet, & Thomas Cranmerus propter varia obiecta crimina, & enormia vita scandala, schismata ac haereses, Archiepiscopali dignitate priuati sint, maleq. perierint, breuiter accurateq. enarratur: sicut Tu Catholice ac candide LECTOR, perlegendo decernes; & ex lēctione (sicut confidimus) voluptatem fructumq. percipies, nostrumq. pro te laborem boni consules. Vale, Ex Vrbe Roma, Anno Domini, M. DC. II II.



IN VINCO 2VDOJATA
CANTVARIENSIVM
ARCHIEPISCOPORVM
OMNIVM A S. AVGVSTINO PRIMO
ARCHIEPISCOPO, CATALOGVS.



1 **ANCTVS AVGVSTINVS** Monachus, à Sancto Gregorio Pontifice Romano in Angliam missus, Anno Domini 597. Ethelbertum Regem ad Christi fidem conuertit. Primus Dorouerniæ (quæ nunc Cantuaria dicitur) Archiepiscopalem cathedram, tenuit, & Christo Saluatori in eadem Vrbe Basilicâ dedicauit. Sepultus est iuxta Cœnobium SS. Petri & Pauli, quod Rex Ethelbertus eo adhortante prope Cantuariam condidit, anno Domini 609. Postea in celebriorem eius Cœnobij partem translatus est, anno Domini 1091. sedente B. Anselmo Cantuariensi Archiepiscopo.

Sedit S. Augustinus annis xiiij.

2 **S** **LAVRENTIVS**, S. Augustini socius, atque ab eo successor ordinatus. Edbaldum Regem à Christi fide deficientem reconciliauit; & non modò Anglos, sed etiam Britannos veteres, Scotos, & Hybernos catholicis ritibus informauit. Obijt anno Domini 619.

Sedit annis x.

3 **S** **MELLITVS**, vnus ex Beati Gregorij discipulis, Londoniensis Episcopus primus à S. Augustino institutus,

rus, Orientales Saxones ad Christi fidem conuerit; populi
deinde sauitia ex Vrbe sua Londino pulsus, in Gallia exula-
uit: postea sub Edbaldo Rege reuocatus, & defuncto Lauren-
tio Cantuariensis Archiepiscopus creatus est, ordine Tertius
ab Augustino. Obijt anno Domini 624.

Sedit annis v.

- 4 **S** I V S T V S, Rossensi Episcopatu, viuente Augustino,
præpositus; defuncto Mellito, Quartus in Cantuarien-
sem Archiepiscopatum successit, à Bonifacio Quarto Pont.
Rom. Pallio donatus. Paulinum discipulum Euangelij præ-
dicatorem in Northumbriam legauit, cumq. Eboraci Archie-
piscopum constituit. Obijt anno Domini 640.

Sedit annis xvi.

- 5 **S** H O N O R I V S, sub Honorio primo pontifice pallio
donatus. Felicè Burgundū Apostolicum virum ad Orien-
tales Anglos misit, qui Academiam Cantabrigiæ fundauit:
Ethelburgam Edbaldi Regis sororem virginem velauit, & ad
villā Limming Monasteriū condidit. Obijt anno Domini 653.

Sedit annis xvij.

- 6 **S** A D E O D A T V S, Angelicus dictus, ab Augustino
sextus, Honorio successit. Obijt anno Domini 664.

Sedit annis x. menses iiij.

- 7 **S** T H E O D O R V S, Græcus ex Tharso Ciliciæ, Mona-
chus, à Vitaliano Pontifice Romano Cantuariensis Ar-
chiepiscopus designatus, atque in Angliam cū Adriano Ab-
bate Afro missus est, anno Domini 668. Hic anno Domini
673. Synodum Episcoporum apud Herefordiam celebrauit,
in qua quatuor œcumenica Græcorum Concilia approbavit.
Huius discipuli fuere quàmplurimi viri in Anglorum Ecclesia
celebres: Ioannes à Buerlaco, Tobias Rossensis Episcopus,
& alij, quos Beda suo tempore vixisse testatur. Scripsit sum-

mam

-mam Penitentialem, Patrum Canones, ordinationes Cleri,
-de fide contra Eutichen, & alia. Obijt anno Domini 690. sue
-etatis 88. tertio decimo Cal. Octobris.

-Sedit annis xxv.

8 **B**RITHOVALDVS, ex Anglica natione Primus,
post Theodorū Cātuariensis Archiepiscopus. Daniele
VVintoniensem Episcopum ordinavit. Synodum celebravit,
cui VVinfridus, qui postea Bonifacius Moguntinēsis Archie-
piscopus, Germanorum Apostolus interfuit. Obijt anno Do-
mini, 731.

-Sedit annis circiter xxx.

9 **T**ADVVINVS, sedit annis iij.

10 **N**OTELINVS, annis v. Sub hoc, Beda presbyter in
Anglia claruit.

11 **C**VTHBERTVS, antè Herefordiensis, annis xvij.

12 **B**RETHVINVS, annis iij.

13 **L**AMBERTVS, Abbas, S. Augustini, annis xxvij.

14 **A**DELARDVS. hoc sedente, Alcuinus Diaconus &
Cantuariensis Cœnobij Abbas vixit, qui postea Caroli Ma-
gni præceptor fuit. Sedit annis xij.

15 **V**VILFREDVS, Romæ à Leone Quarto Pontifice Pal-
adium accepit. Sedit Annis xxxvij.

16 **T**HEOLOGILDVS, siue Pleogildus, sedit annis iij.

17 **C**ELNOTVS, siue Chelutus, sedit annis x.

18 **A**THELARDVS, VVintoniensis antea Episcopus,
sedit annis xvij.

19 **P**LEIMVNDVS.

20 **A**THELMVS, Adestanum Regem, ad Kingston Op-
pidum inunxit, anno Domini 926.

21 **V**VILSELMVS, VVelensis antea Episcopus, sedit
annis x.

S†ODDO, cognomento Severus, ex Dacis oriundus, re-
† al. Odo.
† licis parentibus infidelibus, Christianis disciplinis imbu-
tus,

34 CATALOGVS OMNIUM

tus, Græcè ac Latinè doctus, sub Edmundo primo Rege Saris-
buriensis Episcopus fuit, postea Cantuariensis Archiepisco-
pus, ab Agapito Pontifice Romano pallium accepit. Scriptis
statuta Synodalia. De fide Eucharistia, ad Floriacenses Mo-
nachos in Gallia. Obijt anno Domini 956. Regnante Edvino
Rege in Anglia.

Sedit annis xiiij.

23 **S** DVNSTANVS Monachus, & Glasconiensis Cœ-
nobij Abbas, postea VVigorniensis & Londinensis
Episcopus: translatus deinde ad Archiepiscopatum Cantua-
riensem, à Ioanne XII. Pontifice Romano pallium accepit.
Ab Edvino Rege in exilium eiectus, postea sub † Edgaro Re-
ge reuocatus fuit. Eduardum, & Ethelredum Reges sacrauit.
Obijt anno Domini 988. anno etatis sue septuagelimo, Ethel-
redo in Anglia regnante.

Sedit annis xxviiij.

† al. Eth-
gare.

24 **ETHELGARVS.**

25 **SIRICIVS.**

26 **ALVRICIVS,** siue Aluredus.

Hi omnes annis circiter
xviij. præfuerunt, sub Danis
Regibus tyrannicè in An-
glia regnantibus.

27 **S** ELPHEGIVS, (al. Elphegus) Abbas Monasterij
de Hirft, defuncto Etheluuoldo VVintoniensis Episco-
pus creatus, postea in Cantuariensi Archiepiscopatu Alurici
successit, anno Domini 1006. Romæ palliū accepit: Obfessa
demum ac direpta à Dacis Cantuaria, securi in capite percus-
sus Martyr obijt, anno Domini 1012. tertio decimo Cal. Maij.
anno Episcopatus sui septimo, vitæ verò 59. Suenone Dano
in Anglia regnante.

Sedit annis xix.

28 **LIVINGVS.**

29 **A** THELNOTVS, ex Decano Cantuariensis Archie-
piscopus creatus, Romam pro pallio profectus, brachiū S. Au-
gustini

CANTVARIENS. ARCHIEPISCOPORVM. 5

gustini Hipponensis Episcopi, Papia in Angliam deporta-
uit. S. Elphegij corpus transtulit. Obijt anno Domini 1036.
Canuto Dano in Anglia regnante.

Sedit annis xvi.

30 † EDSINVS, sedit annis xi.

† al. Ed-
fius.

31 † ROBERTVS Normannus, antea Londinensis Episcopus, sub S. Eduardo Rege claruit. Obijt in Normannia, Diuo Eduardo in Anglia regnante.

Sedit annis ij.

32 † STIGONDVŠ sub Guilhelmo Normanno Rege Cantuariensis Archiepiscopus designatus. postea congregata, apud Vintoniam, Synodo, presentibus Alexandri secundi Pontificis Rom. Legatis duobus; Archiepiscopatu priuatus fuit, ob varia crimina illi obiecta: videlicet, quod viuo adhuc Roberto intrusus: quod Episcopatum Vintoniensem cū Archiepiscopatu Cantuariensi simul possederat: quod pallium à Benedicto x. quē Cardinales pro schismatico repudauerāt, accepisset, &c. Vintoniē in carcere perijt, ann. Domini 1069.

† al. Sci-
gandus.

Cum sedisset annis xvij.

33 LANFRANCVS, Papiæ in Cisalpina Gallia natus, Cadomenſis Cœnobij in Normannia Abbas. post Stigandi priuationem, in Archiepiscopatu Cantuariensi successit: vir doctissimus, contra Berengarium, pro Eucharistiæ sacramenta, & alia edidit. Christi Ecclesiam Cantuariæ instaurauit: peregrinis iuxta urbem suam Xenodochia duo condidit. Obijt anno Domini 1090. Guiljelmo. Rufo in Anglia regnante.

Sedit annis xix. vacauit sedes annis iij.

34 † ANSELMVS NATIONE BVRGVNDVS, siue, vt alij, Italus, ad Alpiū radices in Augulſta vrbe natus, Beccēſis Cœnobij in Normannia Abbas, vacante post Lā-

-franci mortem Cantuariensi sede annis quatuor, Archiepiscopus delectus. à Rufo Rege in exilium eiectus, Romam ad Paschalem 2. Pontificem se contulit: deinde sub Henrico i. Rege in Angliam reuocatus fuit. Cestriæ Cœnobium condidit, multa q. sanctissimè scripsit, atque ab Ecclesia recepta Opera, quæ adhuc restant, reliquit. Obijt anno Domini 1110. Henrico primo regnante.

Sedit annis xvi. vacauit sedes annis v.

35 RADVLPHVS antea ROFFENSIS Episcopus, sedit annis viij. Obijt 13. Kalèdas Nouemb. anno Domini 1122.

36 GVILIELMVS sedit annis xv.

Primus
Legati na-
ti titulo
donatus.

37 THEOBALDVS Abbas Beccensis Cœnobij, Henricum 2. Regem inunxit. Romæ pallium ab Innocentio 2. Pontifice accepit, à quo & primus Legati nati titulo donatus fuit: quod nomen omnibus postea Cantuariensibus Archiepiscopis permansit. Obijt anno Domini 1163. Henrico secundo in Anglia regnante.

Sedit annis xxij. vacauit sedes ann. 1.

38 **S** THOMAS, ex regni Cancellario Archiepiscopus, Ecclesiæ suæ iura defendens, ab Henrico secundo Rege in exilium actus, ad Alexandrum Tertium Pontificem confugit: cuius opera, deniq. in patriam restitutus, pro suâ Ecclesia martyrio coronatur, anno Domini 1171. regnante eodem Henrico 2.

†al. 1170.

Sedit annis viij.

†al. Doro-
uernensis.

39 RICHARDVS † Douorësis Cœnobij Abbas, Anagninæ in Italia ab Alexandro Tertio. Pontifice confirmationem & Pontificalia suscepit. Synodum apud Northampton celebrauit anno Domini 1178. Cui Hugo Cardinalis, Alexandri Tertij Pontificis Legatus interfuit. Scripsit Epistolas ad Petrum Blesensem, & ad Episcopos Hybernæ. Obijt anno Domini 1188. eodem Henrico secundo regnante.

Sedit annis x.

BAL-

- 40 BALDVINVS, ex VVigornienſi Epifcopo, Cantuarienſis Archiepiſcopus creatus. Richardum Regem cognomento Curdeſyon ad ſacrum bellum in Syriam ſecutus, in Tyro Phœnicie obiit, anno Domini 1191.

Sedit annis viij. vacauit Sedes uſque ad Regis reditum.

- 41 HVBERTVS, Sarisburienſis Epifcopus, Reginaldo Barthonienſi Epifcopo (qui ante conſecrationis ſolennia, obiit) in Archiepiſcopatu Cantuarienſi ſucceſſit. Monachos ex Câtuarienſi collegio eiectos, reſtituit. Sub Ioanne Rege Eccleſiam vexare, animi mœrore contabuit, anno Domini 1205.

Sedit annis xi. meſes viij. dies vi. vacauit ſedes annis ij.

- ICARDINA. LIS. 42 STEPHANVS LANGTON, Pariſienſis Cancellarius, ſub Innocentio Tertio Pontifice Romano preſbyter Cardinalis factus eſt; poſtea Romæ ab eodem Cantuarienſis Archiepiſcopus designatus: poſt multas autem cū Ioanne Rege controuerſias, ad Cantuarienſem Eccleſiā reſtitutus, D. Thomæ corpus ſolenniter tranſtulit. Obiit anno Domini 1228. Henrico tertio in Anglia regnante. Extant huius Conſtitutionum Prouincialium Tituli xxviij.

Sedit annis xxi.

- 43 RICHARDVS cognomento Magnus, Stephani Cardinalis ſucceſſor. poſt aliquot annos ſub Gregorio Nono Pontifice Romam proſectus, cauſſam contra Hubertum Cantij comitem acturus pro recuperatione arcis Tunbrigij, domum rediens, in itinere obiit, anno Domini, 1229. eodem Henrico in Anglia regnante. Conſtitutiones Prouinciales edidit v.

Sedit annum vnum.

- 44 EDMVNDVS, in Albendonio oppido natus. ex Theſaurario Sarisburienſi propter vitæ ac morum ſanctitatem ad Cantuarienſem Archiepiſcopatum delectus eſt: poſt multas autem ſub Henrico Tertio Rege illatas Eccleſiæ

8 CATALOGVS OMNIVM

- suæ iniurias, S. Thomæ institutum securus, in Pontiniacensi
† al. 1246. Cœnobio in Gallia exul obiit, anno Domini † 1240. Consti-
tutiones Prouinciales reliquit xxi. Ab Innocētio Quarto, San-
ctum Catalogo adscriptus.

Sedit annis viij. vacauit Sedes, annis iij.

45 BONIFACIVS Sabaudienſis, Alconoræ Regina: auū-
culus, Cantuarienſis Archiepiſcopus. Constitutiones Pro-
uinciales composuit xix. Obijt anno Domini 1272. regnante
in Anglia Henrico Terrio.

Sedit annis xxvij. vacauit Sedes annis iij.

II.
CARD.

46 ROBERTVS Kilvvarbiæ, Dominicanus Angliæ provin-
cialis, Cantuarienſis Archiepiſcopus factus: ac postea à Ni-
colao Terrio Cardinalis, & Portuenſis Episcopus declaratus.
Cantuariensem Archiepiſcopatum resignauit, & Romam pro-
fectus, postea Viterbij obiit, anno Domini 1278.

Sedit annis ij.

47 IOANNES PECKAM, Franciscani ordinis in An-
glia prouincialis, Romæ postea sacri Palatii magister, sub Ni-
colao Terrio Pont. Cantuarienſis Archiepiſcopus designatus
est. Redyngij & Lambethi Synodos celebrauit: in quibus Lug-
dunensis Concilij decreta, ac Othonis & Orthobonis legato-
rum Constitutiones approbauit: quibus ipse suas quoq. adiun-
xit apud Redyngium, numero xij. apud Lambethū xxxv. Obijt
anno Domini 1293. regnante Eduardo primo.

Sedit annis xij.

48 ROBERTVS VVijnchelsey, Regnate Eduardo Primo,
Cantuarienſis Archiepiſcopus declaratus. Constitutiones
Prouinciales edidit ix. Obijt anno Domini 1312. regnante
Eduardo Secundo.

Sedit annis xix.

49 GVALTERVS Reginold, ex Eduardi Regis Thesaurario Cantuariensis Archiepiscopus factus, Eduardum Tertium iuuenem inunxit. Constitutiones item Prouinciales composuit xvi. Obijt anno Domini 1328. regnante Eduardo Tertio. Sedit annis xv.

50 IOANNES STRETFORD, Vintoniensis antea Episcopus, Pontificij & Ciuilis iuris peritissimus. Conuentum Londini habuit anno Domini 1329. Constitutiones Prouinciales edidit xix. Item Extrauagantes vulgò appellatas numero xiiij. Obijt anno Dñi 1348. regnante Eduardo Tertio. Sedit annis xx.

51 IOANNES † Ostord, sedit menses x. tantum.

† al Of-
ford.

52 THOMAS sedit annum vnum.

53 SIMON Islepp, post Ioannem & Thomam, qui eodem anno ferè obierunt, sub Clemente vi. Pont. Rom. Cantuariensis Archiepiscopus creatus. Oxonij Collegium condidit, Canteburijs Colledge vulgò appellatum. De ferijs & Missarum celebratione Constitutiones reliquit. Obijt anno Domini, 1365. regnante Eduardo Tertio.

Sedit annis xvij.

III. CARD. 54 SIMON LANGHAM, ex Eliensi Episcopo Cantuariensis Archiepiscopus creatus est: qui post biennium ab Urbano V. Pontifice Romano Cardinalis designatus, Archiepiscopatum resignauit, & Auenionem ad Pontificem profectus est, anno Domini 1367. Inter Constitutiones Prouinciales, præcipuè illam quæ de Consuetudinibus inscribitur, reliquit. Sedit annis ij.

55 GVILIELMVS VVigoriensis Episcopus, sub Eduardo Tertio Rege Archiepiscopatum Cantuariensem rexit, maximis bellis inter Gallos & Anglos durantibus. Obijt anno Domini 1374. eodem Eduardo regnante.

10 CATALOGVS OMNIVM

† al. Sud-**56** **SIMON** † Sudberg, ex Londinensi Episcopo, Cantuariensis Archiepiscopus creatus, Constitutiones Prouinciales edidit iiii. Londini demum populari seditione sub Richardo Secundo Rege à Strauno & Caddo Canjanis hominibus excitata in suburbio vocato Suthumark, vnà cum Regis confessore, & Ioannitarum militum Magistro interfectus est, anno Domini, 1381.

berey.

Sedit annis vij.

57 **GVILIELMVS** Courteney, nobilitate & doctrina vir insignis. VViclefistas hæreticos oppressit. apud Maijdston Sacerdotum collegium fundauit. Obijt anno Domini, 1382. Regnante Richardo Secundo.

Sedit vix annum.

58 **THOMAS ARVNDELL**, Richardi Arundelij Comititis frater, Henricum Quartum Regem sacrauit. VViclefistas hæreticos plures cõbulsit. Cõstitutiones Prouinciales cõposuit ix. Obijt anno Domini 1415. regnate Henrico Quinto.

Sedit annis xxxiiij.

59 **HENRICVS CHICHELEY**, Meneuensis Episcopus. VViclefistas hæreticos quoque impugnauit. Constitutiones Prouinciales tres potissimum edidit. Oxonij duo insignia scholasticorum Collegia condidit, atque dotauit, Animarum, & D. Bernardi vulgò nuncupata. Huic Pontifici Guilielmus Lymund Anglus Constitutionum Prouincialium librum nuncupauit, Obijt anno Domini 1445. Henrico Sexto in Anglia regnante.

Sedit annis xxix.

60 **IOANNES STAFFORD**, vir nobili prosapia. Sedit annis vij.

IIII. 61 **IOANNES KEMP**, ex Archiepiscopo Eboracensi, CARD. Cantuariensis declaratus est: ac demum sub Nicolao V. Pont. Rom.

133
CANTVARIENS. ARCHIEPISCOPORVM.

Rom. Cardinalis designatur. Obijt anno Domini 1456. sub Henrico Sexto Rege.

Sedit annis ferè tribus.

V. 62 THOMAS BOVRSCHER, Henrici Bourischer Essexiæ Comitis frater, ex Eliensi Episcopo Cantuariensis Archiepiscopus: postea à Calisto Papa Tertio, Tituli sancti Cyriaci Cardinalis designatus est: quo sedente, D. Edmundus Sarisburiensis Episcopus inter Sanctos relatus. Obijt anno Domini 1489. regnante Henrico Septimo.

Sedit annis xxxiiij.

VI. 63 IOANNES Morton, Eliensis Episcopus, & Anglici regni Cancellarius: postea ab Alexandro sexto Pont. Cardinalis declaratus. Obijt anno Domini 1500. Henrico vij. in Anglia regnante.

Sedit annis xi.

64 HENRICVS SARISBRICENSIS Episcopus. † al. Sarisburiensis.
Sedit annum tantum.

65 GVILIELMVS VVARAINVS, ex Londinensi Episcopo Cantuariensis Archiepiscopus. sub Henrico vij. & viij. Regibus, vixit vsque ad annum Domini, 1532.


Sedit annis xxx.

66 THOMAS CRANMER, sub Henrico viij. & Eduar. do vj. durante schismate in Anglia, ipse maximè omnium hæreticus & schismaticus, sublato etiã Regni schismate, Archiepiscopali dignitate priuatur, anno Domini 1555. Philippo & Maria maximè Catholicis Principibus in Anglia regnantibus. Cõburitur Oxoniæ, vxore, & filijs relicto, cū sedisset annis xx.

VII. 67 REGINALDVS Cardinalis Polus Legatus.

FINIS CATALOGI ARCHIEPISCOPORVM OMNIVM CANTVARIENSIVM, qui à S. Augustino primo Archiepiscopo, vsque ad tempora Reginaldi Cardinalis Poli, S. Sedis Apostolicæ Legati, ac postremi illius Ecclesiæ Archiepiscopi, fuerunt.

N O T A E
GERARDI VOSSII
IN PRÆCEDENTEM
CATALOGVM
ARCHIEPISCOPORVM CANTVARIENSIVM.



ANCTVS AVGVSTINVS Monachus à S. GREGORIO Pontifice Romano missus, &c.] *De Legatione huius S. Augustini, & Sociorum. (quorum in hoc etiam Catalogo fit mentio) eorumque predicatione, miraculis, & Anglorum conversione, plura videre licebit apud ipsum S. Gregorium Papam Magnum in Registro Epistolarum, lib. 5. Epist. 53. cuius initium est: Quamvis fraternitatē vestram, &c. ibi: Atque ideo indicamus Sanctitati vestræ, Augustinum servum Dei, presentium portitorem, cuius zelus & studium bene est nobis cognitum, cum alijs suis Dei pro animarum nos illuc compendio transmisisset, sicut ipse vobis coram positus poterit indicare, &c. De quo S. Augustino, eiusque socijs ad Conversionem Angliæ missis, ibidem fusi sunt in sequentibus agit Epistolis idem S. Gregorius, usque ad 59. inclusivè. & lib. 7. Epist. 30. quæ incipit: Communis filius presentium lator Sanctitatis vestræ scripta deferens, &c. est ad Eulogium Episcopum Alexandrinum. Et 114. cuius initium est: Magistra bonorum omnium charitas, &c. ubi quoque de Conversione gentis Anglorum, & de Augustino isthuc misso scribit. item lib. 9. Epist. 48. & 51. quæ incipit: Licet fraternitatem vestram suscepti officij cura commoneat, &c. ubi habet: Quia igitur Redemptoris nostri gratia cooperante, tanta de Anglorum gente ad Christianæ fidei gratiam multitudo convertitur, ut Reverendissimus communis frater & coepiscopus noster Augustinus eos qui secum sunt, ad hoc opus exequendum per diuersa loca asserat, non posse sufficere: aliquantos ad eum Monachos cum dilectissimis & communibus filijs*

Lau-

Laurentio presbytero, & Mellito abbate praeuidimus transmittendos, &c.] *Consonantq. hifce, quae eodem lib. 9. scribuntur à S. Gregorio in Epist. 55. 56. 58. 59. 60. 71. Et lib. 12. Epist. 15. quae Augustino Episcopo Anglorum dirigitur. ac Epist. 32. quae in Registro eiusdem lib. 12. est postrema. De quo etiã Augustino, eiusq. Socjjs, multa scribit Beda, de gest. Anglor. lib. 1. ca. 23. 24. 25. & sequentibus. & lib. 2. cap. 2. & 3. in Epitome, & de sex aetatibus. nec non Ioannes Diaconus in Vita S. Gregorij Papae, aliq. alibi. Cuius quoque commemoratio fit in Martyrologio Rom. 26. Maij, in hac verba: Cantuariæ in Anglia Sancti Augustini Episcopi: qui illuc vnã cum alijs à Beato Gregorio Papa missus, genti Anglorum Christi Euangelium prædicaui, &c.] Atque ista de S. Augustino primo Cantuariensi Archiepiscopo, hætenus.*

S. LAURENTIUS, S. Augustini socius, & ab eo successor ordinatus, &c.] *Huius Laurentij etiam meminit S. Gregorius in Epistolis hic antea per nos citatis, 48. & 52. lib. 9. & Epist. 55. 56. 55. eodem lib. 9. &c. De quo, & Beda in historia de gestis Angl. lib. 2. cap. 4. 6. & 7. & Trithemius Abbas de viris illustrib. Ord. S. Benedicti, lib. 4. cap. 49. Consentiantq. verbis Catalogi huius, quæ de hoc Laurentio successore S. Augustini referuntur in Martyrologio Rom. 2. Februarij, sub hisce verbis: Cantuariæ in Anglia, natalis S. Laurentij Episcopi, qui post S. Augustinum eam Ecclesiam gubernauit, & Regem ipsum ad fidem conuertit.*

S. MELLITUS, vnus ex Beati Gregorij discipulis, Londonienfis Episcopus primũ à S. Augustino institutus: postea defuncto Laurentio, Cantuarienfis Archiepiscopus creatus est, ordine Tertius ab Augustino, &c.] *Huius Melliti (quem aliqui Miletum appellant) meminit S. Gregorius Papa in locis prius citatis, Registr. lib. 9. Epist. 48. 52. 55. 56. &c. De cuius etiam rebus gestis, Beda in histor. de gest. Angl. lib. 1. cap. 20. ac 30. & lib. 2. cap. 3. & 4. & sequent. item Ioannes Diaconus in Vita S. Gregorij, lib. 1. cap. 31. Et Martyrologium Rom. 24. Aprilis, de eodem sic: In Anglia depositio Sancti Melliti Episcopi, qui à S. Gregorio in Angliam missus, Orientales Saxones, & Regẽ ipsorũ ad fidem conuertit.] De quo, etiam hac ipsa die, 24. April. Beda in suo Martyrologio, Vsuardus, Ado Treuerensis, & alijs.*

S. IUSTUS, Rossenfi Episcopatu, viuẽte Augustino praepositus, defuncto Mellito (& al. Milet) quartus in Cantuariensi Archiepiscopatu successit, &c.] *De hoc, pluribus agit Beda in histor. de gestis Anglor. lib. 1. cap. 29. & lib. 2. cap. 3. 5. 6. 7. 8. ac 18. & in Epitome. Meminitq. illius etiam Martyrologium Romanum, sub die 10. Nouembris, ubi de eo sic habetur: In Anglia S. Iusti Episcopi, qui vnã cum Augustino, Mellito, & alijs à Beato Gregorio Papa in eam insulam missus ad prædicandum*

quod Evangelium, ibidem Sanctitate celebris obdormiuit in Domino.] De cuius tamen obitu aliqui variant, volentes eum obijisse anno Domini, 632.

S. HONORIVS, sub Honorio primo Pontifice Pallio donatus, &c.] De huius actionibus, pluribus Beda in hist. Anglor. lib. 2. cap. 18. 19. ac in Martyrologio die 30. Septembris. & Trithem. de Vir. illustr. Ord. S. Bened. lib. 3. cap. 62. & lib. 4. cap. 54. aliq. alibi.

S. THEODORVS Græcus, ex Tharso Ciliciæ Monachus, à Vitaliano Pont. Rom. Cantuariensis Archiepiscopus designatus, &c.] Concordant quæ de eodem referuntur in Martyrologio Rom. sub die 19. Septemb. in hæc verba: Cantuariæ, S. Theodori Episcopi, qui à Vitaliano Papa in Angliam missus, doctrina & sanctitate resulsit. Cuius etiam Beda meminit in hist. de gest. Angl. lib. 3. cap. 29. & 30. ac lib. 4. cap. 1. & sequent. & lib. 5. cap. 8. ac in Epitome. Et Trithemius de vir. illustr. ord. S. Bened. lib. 2. cap. 18. ac lib. 3. cap. 114. & lib. 4. cap. 60. De quo, & honorificentissima fit mentio in litteris Agathonis Papæ, quæ inserta habentur in act. 4. Sextæ Synodi.


S. ANSELMVS, natione Burgundus, siue, vt alij, Italus, ad Alpium radices in Augusta vrbe natus, &c.] Trigesimus quartus hic in ordine reliquorum numeratur Cantuariensis Ecclesiæ Archiepiscopus, in Lanfranci demortui locum succedens. Cuius Anselmi præclara gesta, ac scripta recensuit Edinerus, ipse contubernalis, quæ habentur apud Laurentium Surium in tomo 2. mandauitq. scriptis eadem Edmundus Monachus Cantuariensis: qui etiam alium fertur conscripsisse Commentarium, de discordia inter ipsum & Rufum Angliæ Regem, à quo innocens in exilium eiectus fuit; quare & Romam ad Pascalem Papam 2. se contulit. De quo Anselmo, etiam post alios Trithemius de vir. illustr. ord. S. Bened. lib. 2. cap. 101. ubi & illius Scripta recenset, & lib. 3. cap. 327. lib. 4. cap. 122. & lib. de Scriptoris Ecclesiasticis. & alij de eodem alibi.

S. THOMAS, ex Regni Cancellario Archiepiscopus, Ecclesiæ suæ iura defendens ab Henrico Secundo Rege in exilium eiectus, ad Alexandrum III. Pont. confugit, &c.] Trigesimus octauus in ordine cæterorum hic Thomas recensetur Ecclesiæ Cātuariensis Metropolitana Archiepiscopus. De quo, eiusq. rebus gestis complures scripserunt, & inter alios Heribertus eius comes indiuiduus, Ioannes Salisburgenfis Episcopus Carnotensis, Gulielmus Cātuariensis, & Eduardus eiusd. S. Thomæ contemporaneus, cuius Commētarium in cōpendiū redactū Surius posuit tom. 6. De vita ac necē illius, etiā extat Petri Blesensis Epist. 27. in qua ludēs eiusdem celebrat ac prædicat. Reperiturq. passio eiusdem S. Thomæ accuratè pleneq. descripta in MS. antiquo Lectionario Bibliothecæ Canonicorum S. Petri de Vrbe, quam nos nondum editam, inter Miscella-

scellanea nostra ad Thaumaturgum posuimus, & hic quoque post Catalogum opportunè pro multorum satisfactione adiecimus. Cuius præterea Sancti fit mentio in Martyrologio Rom. die 29. Decembris. Plura de eo qui velit, in Volumine M.S. bibliothecæ Vaticanæ, num. 722. inueniet: in quo, inter alia extat Registrum omnium Epistolarum eiusdem S. Thomæ Cantuariensis, & aliorum; quæ toto illo plurium annorum persecutionis tempore, utrò citroq. sunt data. Coronatus est Martyrio S. Thomas anno Domini, 1171. regnante Henrico Secundo, ut hic in Catalogo refertur, & secundum alios, anno Domini 1170. Facta autem est eiusdem Translatio, anno octauo Honorij Papa Tertij: de qua re extant Litteræ Apostolica, simulq. Opusculum à Stephano Archiepiscopo Cantuariensi (qui hic in Catalogo numeratur 42. in ordine) conscriptum. Quæ omnia habentur in iam allegato M.S. Volum. Vatican. num. 722. ubi etiam reperiuntur Litteræ Alexandri Pape Tertij, de eiusdem Canonizatione, &c. Et hæc de præcipuis illis Archiepiscopis Sanctis hoc loco dicta suffecerint. De reliquis videantur alij, qui Historias Anglorum suis scriptis persecuti sunt.



PASSIO S. THOMAE CANTVARIENSIS ARCHIEPISCOPI.



LORIOSI MARTYRIS THOMAE, Fratres carissimi, natalem celebrantes, quia totius vitæ & conuersationis eius insignia recolere nõ sufficimus; passionis eius modum, causamq; succinctus sermo percurrat.

Beatus igitur THOMAS Cantuariensis Archiepiscopus, sicut prius in Cancellariæ & Archidiaconatus officio in rebus gerendis incomparabiliter exstiterat strenuus: ita & post susceptum officium Pastoris supra humanam æstimationem factus est Deo deuotus. Consecratus enim, repente mutatus est in virum alium. Cilicium clam induit; femoralibus etiam vsus est vsque ad poplites cilicinis: & sub vestis clericalis honestate, habitum calans Monachalem, carnem prorsus coegit seruire spiritui; Deo studens, omnium virtutum exercitio, sine intermissione placere. Sciensq; se speculatorem positum in domo Domini, ministerium sibi traditum studiosè compleuit. Iura, & dignitates Ecclesiæ, quas sibi potestas publica vsurpauerat, refarcire, & in statum debitum reuocare conatus est. Vnde graui. quæstione super iure Ecclesiastico, & Regni consuetudinibus, inter ipsum & Henricum † Regem Anglorum exorta, coactio Concilio, propositæ sunt consuetudines illæ, quas idem Rex tam Archiepiscopi, quam Suffraganeorum suorum scripto roborari pertinaciter exegit. Negauit constanter Archiepiscopus, manifestam in eis asserens libertatis Ecclesiasticæ subuersionem. Affectus est igitur contumelijs immensis, damnis grauioribus attritus, & innumeris lacepsitus iniurijs. Tandem morte sibi intentata, quia causa Ecclesiæ nondum plenè innotuerat, & personalis videbatur persecutio, cedendum censuit esse malitiæ. Actus ergo in exiliū, à Domino Alexandro Papa Tertio Senonis honorificè susceptus est; & in Monasterio pontiniacensi studiosè commendatus.

Act. 2. Consistantur interim in Anglia, eius Archiepiscopi redditus, vastantur prædia, possessiones diripiuntur; & excogitato nouo supplicij genere,

† Fuit hic Henricus, eius nominis Secundus Anglorum Rex.

nerē, tota simul proſcribitur THOMAE cognatio. Omnes etiam amici eius & familiares, vel quicumque eum quocumque titulo contingebant, ſine delectu conditionis ſeu fortunæ, dignitatis, aut ordinis, ætatis, aut ſexus, pariter relegantur. Nam & ſenes, & decrepiti, vagientes in cunis, & mulieres in puerperio decubantes, in exilium acti ſunt. Quotquot autem diſcretionis annos attigerant, tactis Sacroſanctis iurare compulſi ſunt; quòd mari tranſito ſtatim Cantuarienſi Archiepiſcopo ſe præſentarent, vt vel compaſſionis gladio conſoſſus, conceptum animi rigorem ad Regis voluntatem inflecteret: Sed vir Dei, manum ſuam mittens ad fortia, exilium, damna, contumelias, & opprobria, parentum & amicorum proſcriptionem pro Chriſti nomine patienter ſuſtinuit, nulla prorſus fractus aut immutatus iniuria. Tanta denique fuit Confeſſoris Chriſti conſtantia, vt omnes coexules ſuos docere videretur: quia omne ſolum forti patria eſt.

Audiens autem Rex immobilem eius conſtantiam, directis per Abbatē quosdam Ciſterciēſis ordinis; ad Capitulum generale comminatorijs, eum à Pontiniaco proturbari curauit. Timens autem Beatus Thomas, occasione ſui, viris ſanctis imminere diſpendium, ſponte receſſit. Sed antequam inde progrediretur, diuina reuelatione confortatus eſt, oſtenſo ſibi coelitus indicio, quòd ad Eccleſiam rediturus eſſet cum gloria; & per Martyrij palmam migraturus ad Dominum. Proturbatum à Pontiniaco excepit Chriſtianiſſimus Francorum Rex Ludouicus, in eumq. ſe humaniſſimè, donec pax reformaretur, exhibuit. Sæpius tamen & ipſe licet in caſſum pulſatus eſt, ne Regis Anglorum proditori aliquod humanitatis beneficium impenderet. Proceſſit vltimus furor immanis, & pijs auribus horrenda crudelitas. Cum catholica etiam pro hæreticis & ſchiſmaticis, & perfidis Iudæis oret Eccleſia; prohibitum eſt, ne quis eum Orationum ſuffragijs iuuaret. Sex igitur annis continuis exulans, varijs & innumeris afflictus iniurijs: & quaſi lapis viuus in ſtructuram cæleſtis ædificij, multimodis conſiſſionibus atque preſſuris eſt quadratus: & quo magis impulſus eſt, vt caderet, eo firmius & immobilius ſtare probatus eſt. Neque enim aurum tam anxie examinatum exuri potuit, vel domus ſupra firmam petram fundata conuelli.

Leſt. 3.

Ludouicus
hic iunior
fuit.

Denique tum Summo Pontifice, tum Rege Francorum procurante, reformandæ paci conſtituti ſunt dies plurimi: quam quia Dei ſeruus nō niſi honore Eccleſiæ ſaluo, & ſalua eius honeſtate ſuſcipere voluit, diſcordes ab inuicem diſceſſerunt. Miſeratus tandem Summus Pontifex Anglicanæ deſolationem Eccleſiæ, propoſitis comminatorijs vix tandē extorſit, vt pax Eccleſiæ redderetur.

Leſt. 4.

Gauſa ſunt ergo Regna, quòd Rex Archiepiſcopum recepiſſet in gra-

Exilij sui
anno septi-
mo redijt
ad suā Ec-
clesiam.

† f. famo-
si.

Lecl. 5.

Ioan. 18.

Vltima
Martyris
verba.

gratiam, alijs credētibz negotium veraciter agijs; alijs aliud conijcien-
tibz. Igitur exilij sui anno septimo, redijt Pastor in Angliam, vt vel
oues Christi à luporum morsibus liberaret; vel pro grege sibi credito
seipsum impenderet. Suscipitur à Clero & populo, cum gaudio inesti-
mabili, illacrymantibus omnibus, & dicentibus: Benedictus qui venit
in nomine Domini. Sed post dies paucos, iterum damnis & iniurijs su-
pra modum & numerum affectus est; & Edicto publico, Ecclesiaz suae
septa exire prohibitus. Quisquis ei, vel alicui suorum faciem hilarem
prætendebat, publicus hostis censebatur. In omnibus his non est effra-
ctus animus eius, sed adhuc ad Ecclesiae liberationem manus eius exten-
ta. Quinto verò Dominicæ natiuitatis die, veniunt Cantuariam Auli-
ci quattuor, auri quidem præclari genere, sed malefactis & clamosi. Et
ingressi, Pontificem verbis contumeliosis aggrediuntur, laceſcunt con-
uitijs, tandemq. minas ei grauitè intentant. Respondit vir Dei mo-
destè, iuxta quod ratio exigebat ad singula; adiiciens sibi multas il-
las iniurias esse, & non eſſet qui errata corrigeret; dissimulare se de
cætero nec posse, nec velle, quin curæ pastoralis officium exerceat.

Turbati sunt igitur ad hæc verba insipientes corde, & iniquitatem in
excelfo locuti, exierunt continuo. Quibus egressis, processit Ponti-
fex in Ecclesiam, vt laudes Christo vespertinas exsolueret.

Sequuntur à tergo gladijs exerts, Sathanæ satellites loricati, arma-
torum manu multæ sequente; aditum Ecclesiae Monachis præcludenti-
bus, accurrens Dei Sacerdos, & hostia Christi mox futurus, hostibus
ostium reſerauit: Non est (inquiens) Ecclesia, vt castrum obseranda.
Irrumpentibus illis, & alijs vbi sit proditor, alijs vbi sit Archiepiscopus,
furibunda voce quærentibus; processit eis obuiam Christi confessor in-
trepidus. Intentantibus ei mortem; Et ego (inquit) pro Dei Ecclesia
mortem libenter suscipiam: Sed ex parte Dei præcipio, ne mortem cui-
quam noceatis. Christum videlicet, imitatus, in Palsione dicentem:
Si me quæritis, sinite hos abire. Irruentes igitur in Pastorem pium lu-
pi rapaces, in patrem proprium degeneres filij; in hostiam Christi, cru-
delissimi liſtores, consecratam capitis coronam funestis gladijs ampu-
tarunt: & Christum Domini solotenus præcipitantes, cerebrum cum
sanguine, quod dictu quoque horrendum est, per pauimentum crudeliſ-
simè sparserunt. Sic itaque Iustus ab iniustis occisus, domum luteam
cælesti palatio commutauit.

Vltima verò Martyris verba, quæ præ confusione clamoris discerni
vix poterant, iuxta propius astantium assertionem, hæc fuerunt: DEO,
ET BEATAE MARIAE, ET S. DIONYSIO, ET SANCTIS
HVIVS ECCLESIAE PATRONIS MEIPSVM COMMENDO,
ET ECCLESIAE CAVSAM.] In omnibus autem cruciatibus,
quos

quos inuictissimus Dei athleta pertulit, non clariorem emisit, non gemitum edidit, non brachium aut vestem ferienti opposuit: sed caput quod inclinatum gladijs exposuerat, donec consummaretur, tenens immobile, quasi ad orationem prostratus, obdormiuit in Domino.

Regressi verò viri scelerati in Sancti Pontificis Palatium, quidquid pretiosum potuerunt inuenire, sibi diuiserunt. Mæror ingens super innocentis morte, & direptione suorum, tenebat omnes, & infinita animi tribulatio: fecit tamen repente cum tentatione prouentum diuina clemetia: & per visiones quasdam, futuris quasi præluens miraculis, Martyrem in proximo signis glorificandum, redituram post mortem latitiam, & turbam languidorum, beneficiorum gratiam innuit esse consecuturam. Post mortem verò Martyris, adeò in persecutores eius ultio diuina defæuit, vt in breui sublato de medio non comparerent. Et alij quidem sine confessione & viatico subito rapti: alij digitos, vel linguas proprias dentibus frustatim decerpentes: alij, sanie defluentes, & toto corpore tabefacti, & torsionibus inauditis ante mortem cruciati: alij, paralyti dissoluti; alij, amentes effecti: alij cum insania expirantes, manifesta reliquerunt indicia, quòd iniusta persecutionis, & excogitati parricidij pœnas exsoluerent. Sed vt palam fieret mundo, quia Dominus Sanctum suum magnificauit, primo Martyrij sui tempore, multis cœpit Martyr miraculis coruscare: cæcis visum, claudis gressum, surdis auditum, mutis loquelam restituens. Deinde leprosos mundans, paralyticos consolidans, hydroposin & omnia morborum incurabilium genera curans, mortuos resuscitans: demonijs etiam, & elementis omnibus mirabiliter imperans; ad inusitata quoque & inaudita signa potentia suæ manum extendit. Nam & oculis, & membris genitalibus priuati, meritis ipsius noua membra meruerunt luscipere. Quidam autem qui Sancti miracula deprauare præsumperunt, repete percussi, coacti sunt ea prædicare vel inuiti. Denique aduersus omnes æmulos suos, usque adeò Martyr præualuit, vt vniuersi qui detrahebant ei, venientes venerarentur, & adorarent ad sepulcrum eius.

Passus est autem athleta Dei egregius THOMAS, anno ab incarnatione Domini, secundum Dionysium, millesimo, centesimo, septuagesimo, quarto Calendas Ianuarij, feria tertia, hora quasi vndecima: vt Domini natalis ad laborem, eius fieret natalis ad requiem. Ad quam nos perducere dignetur, idem Deus & Dominus noster IESVS CHRISTVS: Qui cum Patre, & Spiritu sancto, viuit & regnat: Per omnia secula seculorum. AMEN.

Leet. 6.

Diuina ultio in impios persecutores defæuit.


Miraculis varijs Sanctus post mortem clauit.

Passus est Martyriū S. THOMAS, anno Domini 1170.

NOT. Desumpta est hæc PASSIONIS siue Martyrij S. THOMAE Cantuariensis Archiepiscopi historia ex peruectusto MS. Bibliotheca

theæ Ecclesiæ S. PETRI de Vrbe, vbi ea plenè habetur sex Lectionibus distincta, sicut olim in matutinali Chori officio legi erat solita: quam vel ideo hic duximus adiiciendam, quòd breuiter processum totius Martyrij percenseat, & miracula quibus S A N C T V S post mortem coruscavit, accuratè comprehendat, omnibusque patefaciat.

F I N I S.



*Imprimatur si placet Reuerendiss. P. Magistro S.
Palatij Apostolici.*



B. Gypsius Vicesger.

Reuerendissime P. Magister. Catalogum Archiepiscoporum Cantuariensium, & Passionem S. Thomæ Cantuariensis Archiepiscopi, cum Notis eruditissimi Doctoris Gerardi Vossij legi summa cura: nihilq. in eis reperi quod Ecclesiæ fidei, aut sacris moribus aduerfetur: immo potius præclaram pietatem, & eruditionem in eisdem obseruauì.

Frater Thomas Maluenda S. Theologiæ Præsentatus, Ord. Prædic.

Imprimatur,

Fr. Ioann. Maria M. S. P. Apostolici.



R O M Æ,

Ex Typographia Gulielmi Facciotti. M. DC. IV.